

太古正音琴經

琴經卷之十一 竹集

建溪張右衮輯

後學

沈國裕益生堂重校
涂炳其文父全訂

琴憲雜記上

琴始五絃舜所彈也堯善之加二絃以合君臣之恩
蔡邕益之為九絃彈一絃者馬明生所遇神女也無
絃者陶元亮所自寓也 說林

大琴曰離二十絃次大琴十五絃中琴十絃頌琴十
三絃形象箏移柱應律擊琴五絃梁柳惲製以管承
絃又以竹片約而束之使絃急而聲亮以筋擊之兩

儀琴二絃絃各六柱矣琴亦二絃出胡中奚部以竹片軋之月琴四絃十三品柱形圓項長似琵琶王子年拾遺師延商時修三皇五帝之樂撫一絃琴又有九絃十二絃二十七絃今但知有七絃俱真珠鉛兼載二部矣始之存

世人悅於聽衆樂而無味於琴者悅其聲之淫耳樂用七音而二爰與宮徵聯用故聲淫而悅耳琴用五音變法甚妙且罕聯用他調故音雖雅正不宜於俗

櫟

暉用金玉螺蚌取明瑩也今作徽纏之徽誤矣

文韻通考

有安說善琴楊收問五絃外其二云何說曰世謂周文武二王所加者收曰能為文王操乎說即以黃鍾為宮而奏之以少商應大絃收曰止如子之言少商武絃也且文世安得武聲乎說大驚

全上

于頔嘗令客彈琴有知音者聽於簾下嘆曰三分之中一分第二分琵琶聲絕無琴韻蓋當今中州猶有遺古其餘方音非趙師利時方音矣時競呶呶何可使于公簾下客聞之

全上

成少伯工吹竽見安昌侯張子夏鼓琴謂曰音不通千曲以上不足以為知音

桓譚新論

嵇叔夜琴賦曰氣和故響逸絃急故聲清間遼故音
痺絃長故徽鳴此四者皆美聲也東坡曰庠牧聲音
鮮琴之有牧聲以琴面不平或焦尾與岳高低不相
應則其聲牧此琴之病聲然琴操弄中自有庠下聲
非病聲也間遼絃間去徽遼遠處即徽外近焦尾處
也聲手取之自然庠下 學林

湖南有范氏曾守土號范連州自能斲琴今有一琴
在柝彥實叅政家其琴面乃用方二三寸許小桐木
片以膠漆湊成之名曰百衲彈之則與尋常低下琴
無異此何益哉木不成段聲必不應又為漆所碍其

室塞可知折氏至今寶之尤可笑今人或以琴材短
不及或自岳之外別用桐木接之亦不可也

筆談

今人見琴池沼中有雷文張越家便以為至寶殊不知雷張皆開元天寶時人去今能幾何若得古材依法留心斲之雷張未必過也惟求其是而已矣

筆叢

古琴艱得過於精金玉得古材命良工法制之斯可矣自昔論擇材者曰紙甌水槽木魚鼓腔敗棺古梁柱榱桶然梁柱恐為重物壓損紋理敗棺少用桐木紙甌水槽患其薄而受濕氣太多木魚鼓腔晨夕近鐘鼓為金聲所入最為良材然亦有敲損之患別

有擇材往鑑今陳述之昔吳錢忠懿王能琴遣使以
廉訪為名而實物色良琴使者至天台宿山寺聞瀑
布聲止在簷外晨起視之瀑下淙石處正對一屋柱
而柱且向日私念曰若是桐木則良琴在是矣以刀
削之果桐也則賂寺僧易之取陽面二琴材馳駟以
聞乞俟一年斲之既成獻忠懿一曰洗凡二曰清絕
遂為曠代之寶後錢氏納土太宗朝二琴歸御府南
渡初流轉至雲川葉夢得上之此乃擇材之良法大
抵桐材既堅而又歷千餘年木液已盡復多得風日
吹曝之金石水聲感入之所處在空曠清幽蕭散之

地而不聞塵凡喧雜之聲所以製琴鳥得不與造化同妙以此觀之安琴之室亦當如是不宜近塵穢婦女喧雜之地也

太古遺音

唐高宗以琴曲寢絕令有司習之呂才上言舜彈五絃之琴歌白雪之詩是知琴操曲弄皆合於歌今以御雪詩為白雪歌帝善之

唐禮樂志

衛靈公之晉於濮水之上宿夜聞有鼓琴聲者悅之問左右盡不聞乃召告師涓師涓靜坐撫琴寫之明日報曰臣得之矣公遂之晉晉平觴之虎祈之臺靈公召師涓令坐師曠之傍援琴鼓之未終師曠曰此

師延之作紂為靡靡之樂及武王伐紂延東走至於濮水而自投聞此聲者必於濮水之上先聞者其國削不可聽也平公曰此何聲也此所謂清商也公曰清商固宜悲乎師曠曰不如清徵公曰清徵可得聞乎師曠曰不可古之聽清徵者皆有德義之君今主君德薄不足以聽之平公曰願試聽之師曠不得已援琴一奏之有玄雀二八南方來集於都邑之門再奏之成列三奏之延頸而鳴舒翼而舞平公大悅提觴而起為師曠壽曰音莫悲於清徵乎師曠曰不如清角平公曰清角可得聞乎師曠曰不可昔者黃帝

合鬼神於西山之上駕象車六蛟龍畢方並舘蚩尤
居前風伯進掃雨師灑道虎狼在前虫蛇伏地鳳凰
覆上大合鬼神作為清角今主君德薄不足以聽之
平公曰願試聽之師曠不得已而鼓之一奏之有雲
從西北方起再奏之大風至大雨隨之裂帷幙破俎
豆墮廊瓦坐者散走平公恐懼伏於廊室晉國大旱
赤地

韓子李白晉君聽
琴在清角本此

匏巴鼓琴鳥舞魚躍鄭師父聞之從師襄三年不成
無幾見師襄曰文得之矣於是當春而叩商絃以召
南呂涼風忽至草木成實秋而叩角溫風徐迴草木

漲榮夏而叩羽霜雪交下川池暴涸冬而叩徵暘光
熾烈堅冰立散操終而四景風翔慶雲浮其露降醴
泉湧

列子上二節皆屬附會
琴通神明政不必爾

太宗令待詔蔡裔增琴為九絃有待詔朱文濟以為
不可太宗曰古琴五絃而父武增之今有何不可文
濟曰五絃尚有遺音而益以二絃實無所闕上怒斥
出遂增琴絃

唐樂書

楊收嘗言琴通黃鐘姑洗無射三均側出諸調由羅
薦附灌木然

收傳

嘗考琴家謂宮者非宮角者非角又五調迭犯特宮

聲為多與五音之正者異

西清詩話

知琴者以謂前一指後一紙為妙以蛇腹文為古王
晉叔所蓄前幾不容指而後劣容紙然終無雜聲可
謂妙矣蛇腹紋已漸出後日當益增但吾輩及見其
班班焉則亦可謂難老者也

田芝翁

琴雖皆清實其間有聲重者有聲輕者材中自有五
音故古人名琴或謂之清徵或謂之清商又不獨五
音也今人絃上音調尚不及知何暇及此

全上

蜀中雷氏斲琴嘗自品第上者以玉徽次者以金徽
又次者以螺蚌徽東坡云余家有琴其面作蛇腹紋

上池銘云開元十年造雅州靈關村下池銘云雷家
記八日合不曉其八日合為何等語也

全上

調琴須用筦色合字定宮絃乃以宮絃下生祉祉絃
上生商上下相生終於少商凡下生者隔二絃上生
者隔一絃取之凡絃聲皆當如此今之苟簡不復以
筦定聲故其高者無准聲無法度也

筆談

彈琴勾剔最當依譜無自杜撰何以故出音異鳥譬
如彈琵琶推手向前曰琵琶却手向後曰琵琶上一勾
一剔能無異乎

雷威作琴不必皆桐遇大風雪中獨注我巖酣飲着

簞笠入深松中聽其聲連延悠颺者伐之斲以為琴

妙遇於桐有最愛重者以松雪名之

採蘭雜志

凡木本寔而未虛惟桐反之試取小枝皆實堅其本皆中虛故世所以貴孫枝者貴其實也實故絲中有木聲也

志林

琴有氣曾識一道者相琴知吉凶也

山堂肆考

蚕最巧作繭往往遇物成形有寡女獨宿倚枕不寐私傍壁孔中視隣家蚕離箔明日繭都類之雖眉目不甚悉而望去隱然似愁女蔡邕見之厚價市歸繰絲製琴絃彈之有憂愁哀動之聲問女琰琰曰此寡

女絲也聞者莫不墮淚

賈子說林之明以為釣

收乘九寡

師開鼓琴以東方西方之聲而知室之朝夕

晏子事見

唐有雷張越三家製琴擅名其龍池鳳沼有舷餘處

悉窪令開聲不散宋有琴局製有定式謂之官琴餘

悉野斷後以京中樊氏路氏琴為第一

尊生

古人以琴命名及名其地者祝琴

祝融好琴生顧雍

因造琴得薛德音

德音生時有人送琴銘曰德音下

名見冰壺吳邁遠

以得琴

琴高

琴仙入水不濡琴聰

聰琴臺

司馬相如臺

琴莊

蘭先生

琴叟

祝豐年者見琴

堂賤池西琴亭

樂琴摯

琴客

宜咸

集琴操

東坡

明琴工有高騰朱致遠惠桐岡祝公望諸家鏤會裏
厠皆精美中程祝海宦琴取材練漆尤有法今人有

以芭蕉葉為琴式者製自祝始

尊生

董庭蘭能為沉祝聲皆琴聲也

國史

左傳曰張骼輔輓復踞轉而鼓琴

家語子路鼓琴嘗作鼓箏篴琴箏篴者古亡國之侯

所作也故夫子責之曰不執先王之器而習亡國之

音子路聞之惧而骨立

殷師延靠
彈箏篴琴

賢所云古樂残缺世已忘千年寥落獨琴在有如老
僊不死閑興亡然八箋載宋造古琴官有定局製有

定式謂之官琴則一時上下尊古琴風猶暢噫以視
今琴風又異矣

月琴 四絃十二品柱代琴之徽轉絃音律晉阮咸

造也唐太宗更加一絃名其絃曰金木水火土自開

元中編入雅樂用之豈得舜之遺製歟

此陳氏裁
琴本旨也

頌琴 十三絃移柱應律其制與箏無異古宮縣用

之合頌聲也是知箏本頌琴後世以其似呼其名遂

名曰箏列之俗部使頌琴受誣不得躋于雅樂惜哉

宋太宗增琴為九絃曰九諧克奏八曰清角九曰清

徵其曲有仲呂大定樂日重輪月重明乾安曲各有

翻譯字譜又為十一絃琴以應十有二律

宋樂志

琴勢龍行蟹行之外又有儒父吟未接覆手是也亮

生嘯小起手是也仙人笑下嘆是也

文獻通考

龍口所以受絃鬚以飾之鳳額所以制喙臆以承之

軫穴亦曰軫杯雁掌亦曰鳬掌

補遺

陳淳樂書汲汲欲復琴五絃以為樂無變宮變宮已

失尊君之道而琴又有少宮少商之絃非古意也至

曰七絃之制存之則有害古而以頌琴屬之俗部則

裨編駁之詳矣

荆川裨編曰伏羲琴夫子琴號鍾響泉韻磬諸名琴

陳氏樂書皆列俗部以其有七絃也使琴去少宮少商止存五絃則世所傳古曲皆不可彈矣是知非獨鄭聲亂雅凡好為異說者其亂雅為尤甚焉

擊琴 柳世隆素善彈琴其子憚每奏父曲居常感

思因變其體備寫古調嘗賦詩未就誤以筆植琴坐客以筋和之憚驚其哀韻制為此琴文獻

五音十二律應絃合調立成

出尊生

絃 一二三四五六七

上調絃按徽以五音調法慢三即慢

黃鐘

律

黃太姑林南

黃太清清

角調也黃清云者黃鐘之輕清音也

音

宮商角徵羽

少少宮商

如少宮少商之意後例此

絃 一二三四五六七

大呂

律

大夾仲夷無

太夾清

上調絃按
徽同黃鍾

音

宮商角徵羽

少少
宮商

絃 一二三四五六七

太簇

律

太姑蕤南應

太姑清

上調絃按
徽同黃鍾

音

宮商角徵羽

少少
宮商

絃 一二三四五六七

夾鐘

律

黃夾仲林無

黃夾清

上絃以十徽應四
紫七應散二紫五
以十徽應七紫三
以十徽應五即今
之清商調也

音

宮商角徵羽

少少
宮商

絃 一二三四五六七

琴

絳

十一卷

姑洗

律

大姑蕤夷應

太姑清

上調按同夾鍾

音

羽宮商角徵

羽少宮

絃

一二三四五六七

仲呂

律

黃太仲林南

黃太清

上按調即今五音調法

音

徵羽宮商角

徵少角

絃

一二三四五六七

蕤賓

律

大夾蕤夷無

太夾清

上按調同仲呂

音

徵羽宮商角

徵少羽

絃

一二三四五六七

林鍾

律

太姑林南應

太姑清

上調按同仲呂

音 徵羽宮商角徵羽

絃 一二三四五六七

夷則 律 黃夾仲夷無黃夾

音 角徵羽宮商角徵

絃 一二三四五六七

南呂 律 大姑蕤南應太姑

音 角徵羽宮商角徵

絃 一二三四五六七

無射 律 黃太仲林無黃太

音 商角徵羽宮商角

上以夾鍾絃緊四
以十應二即今慢
宮調也

上調按徵
同夷則

上以仲呂絃加緊
五以十一徽應七
即今蕤賓調也
射為蕤賓俗名也

絃 一 二 三 四 五 六 七

應鍾 律 大 夾 絃 夷 應 清 太 夾 清

正調六十變音二十四是以按絃取聲不可立調

音 商 角 徵 羽 宮 少 商 角

學琴者言琴操多出乎楚漢或有聲無辭其意趣高遠可喜而有辭者反不逮是則樂家未必專取其辭而特以其聲為主者又明矣沈括此論言樂府不可去蓋詩詞也樂府聲也王荊公論樂曰先有詞而後以律度為曲是聲依詠若先定律而後以詞填寫之則是詠依聲也張橫渠亦曰古樂決非先定腔非深知樂者烏能與於此元微之謂由樂以定詞非選詞以配樂者失古人度曲

之義遠矣

後代編此論謂當先有詞而後以律協之然

不後歷訪名師皆言琴在音不在詞即寧仙秘譜大
古遺音諸家名譜並未末有詞信乎琴不在詞耳沈括
之論深知琴趣近世劣師勉強
填詞炫燁俗眼誠貽笑大方

天寶間雷馮以琴著唐明皇反蜀首詔雷儼待詔門

下

鼓心哉耳馮詔人

善攻斲鬻之不善節度使盧

公鈞聞之見重受一張仍贈之詩自是馮氏門其屨

滿矣

通考

琴中有賜緋調大中初有賀若夷善琴後為待詔彈

一曲上加之賜緋衣至今號為賜緋調

文獻

爾雅曰徒鼓琴謂之步無章無曲猶舍車而徒也

云一

瑟小者
謂步

七絃合律琯用第七徽第一絃黃鍾合字應之二絃
太簇律四字應之三絃林鍾律尺字應之四絃七徽
半仲呂律上字應之五絃南呂律工字應之六絃黃
鍾清律六字應之此見絲竹之相表裏也

釋編

自古善琴者八十餘家一十八樣究之雅度不過伏
義大舜夫子靈開靈和五琴而已餘皆新奇非古

文獻

古琴謂之玉琴瑤琴皆以玉徽名

衆樂琴之臣妾也廣陵曲之師表也

今上隋樂書

古樂師以琴名者師延

殷

師中

晉

師堂

衛

師摯

俱見七徽

師襄

孔子

師涓

衛

師曠

晉

師文

鄭與孔子

師襄

師經

魏

曹衛

琴有隱有約

發見七

新論曰琴隱長四十五分隱以前

長八分約即的字的琴徽也

閩荔枝可裁琴尉遲侍御與馮端為之馮宿述之

文獻

姜夔樂議分琴為三準自一暉至四暉謂之上準上

準四寸半以象黃鍾之子律自四暉至七暉謂之中

準中準九寸以象黃鍾之正律自七暉至龍齧謂之

下準下準一尺八寸以象黃鍾之信律三準各具十

二律皆按絃取之釋編

琴窓雜記下

晉侯觀于軍府見鍾儀問其族曰伶人也與之琴操
南音公曰君子也言稱先職不背本也樂操土風不
忘舊也禮而歸之左傳

騶忌子以鼓琴見威王威王說而舍之右室湏臾王
鼓琴騶忌子推戶入曰善哉鼓琴王勃然不說去琴
按劍曰夫子見容未察何以知其善也騶忌子曰夫
大絃濁以春溫者君也小絃廉拆以清者相也琴操曰大
絃者君也寬和而溫小攬之深醕之愉者政令也鈞
絃者臣也清廉而不亂諧以鳴大小相益回邪而不相害者四時也吾是以

知其善也王曰善語音騶忌子曰何獨語音夫大絃
濁以春溫者君也小絃廉折以清者相也攫之深而
舍之愉者政令也鈞諧以鳴大小相益回邪而不相
害者四時也夫復而不亂者所以治昌也連而徑者
所以存亡也故曰琴音調而天下治夫治國家而輯
人民者無若乎五音者王曰善

文記

古操有曰走馬引者樗里牧恭所作也恭至孝為父
報仇殺人亡命深林失路有天馬引之感而作引琴
荆軻劫秦王將刺之王曰寡人好琴願聽一曲而就
死軻許之因令琴女文馨奏曲曲曰羅縠單衫可掣

而絕三尺屏風可超而越鹿盧之劍可負而拔王從其言遂得脫後名其琴曰超屏

韓子

琴操云三士窮者其思牟子之所作也其思牟子與石文子叔愆子為友聞楚成王賢而往見至嶽巖之間逢飄風暴雨衣寒乏糧自度不得俱活二人以其思牟子為賢推衣糧與之凍餓而死其思牟子往見楚王肯酒嘉穀設鐘鼓以樂之愴然憂悲援琴而鼓作離別之哀音王曰琴何悲哉牟子推琴而泣具以事對

琴疏

漢桓帝聞楚琴而悲慷慨長息曰善哉為聲如此而

足矣昔季流子向風而鼓琴聽之者淚下

阮籍樂論

劉道強善鼓琴能為單鵠窻鳬之音聽者悲不自勝

西京雜記

王敬伯琴曰感靈舊說敬伯一日泊江渚中是夜月

明露下敬伯悽然心動援琴微弄因感劉惠明亡女

之靈忽相就如平生敬伯復撫絃歌曰低露下深幕

垂月照孤琴空絃咽霄漢誰憐此夜心女和之曰歌

宛轉琴復哀願為烟與霧氛氲共此懷故成此名

琴操

會嵇賀思令善彈琴常夜在月中坐臨風鳴絃忽有

一人形貌甚偉在中庭称善便與共話自云是稽中

散謂賀云卿手下極快但倣古法未備因授以廣陵

散

御覽

賀韜吳人也素彈琴感鬼神見授數曲斯亦妙之至

也

大周正樂

語林嵇中散夜彈琴忽有一鬼械而長嘆舉其手袂曰君一絃遺一調中散與琴彈之聲清冷遙問不對

疑是蔡邕邕死之日身著桎梏

戰官分紀

左思知晉將亂作谷口引以招隱

對音

嵇康常遊洛西暮宿華陽亭引琴而彈夜分忽有客詣之稱是古人與康共談音律詞致清辨索琴彈之

而為廣陵散聲調絕倫遂以授康仍誓不傳人

一本授太

平引

嵇康臨刑東市顧視日影索琴彈之曰袁孝已常從
吾學廣陵散吾固靳之廣陵散於今絕矣

孝已康甥善琴

蘓易簡曰琴者聖人所以修身養性知止戒盈
之樂也中郎中散並以曠世逸才虎踞辭林鳳
翥袂圍相與頑韻干清音宜明止息之義通盈
虛之數而禍敗之櫻如出一轍何也當康鴻冥
一世志薄天遊豈不哀黥刑之請而欲驅充東
之輦哉幾乏介石用遺木火竟使後人而復哀

後人也悲夫至今月下操弄颯然若陰崖鬼神
驟驚御寇而至止者非二子之神遊八極聞清
商而繞哀絃也耶嗚呼廣陵曲與二子俱往矣
藉其曲在流風餘韻手澤猶存然而二子徽音
千古亦豈以廣陵之傳不傳哉

韓臯聞鼓琴至止息歎曰美哉嵇康之為是曲其當
晉魏之際乎其音商商主金晉乘金運此所以知魏
季晉將代也王陵毋丘儉文欽諸葛誕繼為楊州都
督咸有興復之謀皆為司徒所殺康以楊州廣陵地
故其曲曰廣陵散言魏散亡自廣陵始止息者篇名

其音哀傷惜痛追賜晉雖暴興終于止息

臯傳又按三國應璩

與劉孔才書已有所廣陵之清散句

嵇紹遷侍中齊王固燕會左右進琴紹推不彈曰紹

雖庸鄙忝備常伯腰綬冠冕鳴玉殿省豈可操執絲

竹為伶人事乎固大慙

紹傳琴清品也是以孔聖鼓之杏壇由父就于松風公

服抱琴雖與塵坐殊域亦謔所云松間喝道

顧彥先平生好琴死後置琴床上張翰直上床彈琴

不與孝子語而去

世說

王猷之卒徽之奔喪不哭直上靈床坐取猷之琴彈之久而不調曰嗚呼人琴俱亡因頓絕月餘亦卒

符堅晚好色寵幸鮮卑有趙整者援琴歌曰昔聞盟

津河千里作一曲此水自本清是誰亂使濁

前秦錄

謝幼輿善音樂好鼓琴在東海王越座家僮取官稿
除名于時在事諸人並以謝初登宰府遭黜為恨謝
聞之方清歌鼓琴和暢不輟

何語

孔子適楚至阿谷之隧有處女佩瑱而浣孔子曰彼
婦人可與言矣抽琴去其軫以授子貢曰善為之辭
子貢曰於此有琴而無軫借子以調其音婦人對曰
吾鄙野之人五音不知安能調琴

韓詩外傳然則夫子有琴心乎委巷

言之

琴曲有曰聶政刺韓王政父為韓王治劍不成王殺之時政未生及壯欲殺王乃學塗入王宮拔劍刺王不得踰城去入泰山遇仙人受琴漆身為厲吞炭變其音七年而琴成欲入韓國道逢其妻妻對之泣政曰夫人何故泣妻曰聶政出遊七年不歸吾嘗夢見君對妾笑齒似政故悲而泣政曰天下人齒盡政若耳曷為泣乎即復入山中援石擊落其齒晉山中三年後入韓國人莫知政政鼓琴闕下觀者成行王乃召政政內刀琴中而見王王使之琴政援琴而歌出刀刺王殺之

出太平御覽

趙子昂以古琴有改絃今不傳但置琴橫床而已張
伯文諸賢聞之亦不復鼓琴

琴必改絃是集名詔夏夫當胡元時倚桐宜幾

手息矣

宋玉風賦序臣嘗出行僕飢馬疲正值主人門開主
人出獨有主人女在欲置臣堂上太高堂下大卑乃
為蘭房與室止臣其中中有鳴琴焉臣援琴而鼓之
為秋竹積雪之曲

山堂肆考

華巔胡老楊衡含笑援琴而歌歌曰練余心兮浸太
清滌穢濁兮存正靈和液暢兮神氣寧情志泊兮心
亭亭嗜欲息兮無由生踔宇宙而遺俗兮眇翩又而

獨征

蔡邕
釋論

坡公集元豐三年春從二三子遊於泗之上登桓山
入石室使道士戴日祥鼓雷氏之琴操履霜之遺音
曰嘻此非司馬桓魋之墓乎使魋而無知也余雖鼓
琴而歌可也使魋而有知也聞余鼓琴而歌知哀樂
之不可常物化之無日也其愚豈不少瘳乎

坡集

長卿桃之而父君夜奔葛勃操烏而陳豐見懷此皆

琴道中煞風景者也

虞氏
琴疏

明皇呼羯鼓洗琴穢坡公嘗呼玉澗手一洗羯鼓昏
千古嶧陽得坡公一轉語

范希文為余試彈廣陵散鬼物悲哀晉方亂其指月下華陽亭數事乎

雍門周鼓琴而孟嘗悲楊子雲琴清英記云晉王謂孫息曰子鼓琴能令寡人悲乎

云

此與聶政刺韓

王皆琴中一事而兩出者也

上皆全

淮記昔魯哀公二十一年孔子出魯東門過故杏壇歷級而升顧謂弟子曰茲魯將滅文仲誓盟之壇也睹物思人命琴而歌歌曰暑往寒來春復秋夕陽西下水東流將軍戰馬今何在野草開花滿地愁

山堂肆考

元魯山鼓琴陸渾年六十未嘗見女色與琴箋李約

宗少文周續之絃誦自娛終身不娶皆不可測

唐雲涉座主問道於太原海湖禪師曰如何是無問

而自答師曰松韻琴聲響

傳燈

趙抃為成都轉運出行部內唯携一琴一鶴坐則看
鶴鼓琴常遇青城山遇雪舍逆旅逆旅人不知是趙
或慢狎之公頽然鼓琴不問

語林

山海經曰東海之外大壑少昊孺帝顓頊於此棄其
琴瑟

古人多以琴世其家最著者嵇康康之子紹

不為齊王鼓琴

後死蕩阮籍籍之猶子咸咸之子瞻

千里戴逵逵之

兄逯應谷子冲若琴名戴顓顓之父達兄勃王僧佑

佑之弟僧虔王偉琴名偉之子韶之琴名王通通之

子績無功李勉公勉之子約柳世隆隆之子惲眉山三

蘇斯皆清風頡頏不墜家聲於嶧陽者也以上諸人皆著名琴

古人名琴而兼通琵琶者阮咸朱傳生褚彥回又柳

惲善琴復工擊琴諸子於雅俗之間可謂絳樹一聲

黃華雙手

琴士姓名疑似者師涓衛靈公謝涓子魯人遇神女授清江引者

劉涓子晉人作修省涓子蜀僧破雷琴者又按王讚

宣我心則又仲長統漢人著論仲長子光唐人戴安道

有張涓子托戴安道

遠晉戴仲若顯宋人二君皆以貴介抗賀韜吳人作

賀雲魯人作劉安世作寒劉志方作志毛敏仲作歌者

毛仲翁作慨古者

枚乘七發曰龍門之桐高百尺而無枝中鬱結之輪
菌根扶疏以分離上有千仞之峯下臨百丈之谿湍
流遡波又澹淥之其根半死半生冬則烈風漂霰飛
雪之所激也夏則雷霆霹靂之所撼也朝則鸛黃鵠
鳴鳴焉暮則羈雌迷鳥宿焉獨鵠晨栖號乎其上的
鷄哀鳴翔乎其下於是背秋涉冬使琴摯斫斬以為
琴野蘭之絲以為絃孤子之釣以為隱九寡之珥以

為約使師堂操暢伯子牙為之歌歌曰麥秀漸兮雉
朝飛向虛壑兮背槁槐依絕區兮臨迴溪飛鳥聞之
翕翼而不能去野獸聞之垂耳而不能行蚊蟻蝼蟻
聞之佳啄而不能前此亦天下之至悲也

朱晦翁有三聲圖一具琴形體暉絃散轂之位二附
按轂、律之位三附泛轂、律之位又宋樂志有五
絃七絃九絃轉絃三圖皆惜乎荒陋未之及覽

宋石門釋者德洪善琴得名琴自銘之曰材出餘燼
桐生晚林見之意消矧聞其音朱絃發越夜堂秋深
如見古人先得我心 歲經

宋丁翰之飛喜老莊善鼓琴隱錢塘龍泓洞蓄妻子
事畊稼如常夜半山靜方取琴彈弄少睡寡言而喜
接客素無服餌或問之曰治心修身外復有何物
朱晦翁釣深琴讚曰養爾中和之正性禁爾忿怒之
邪心乾坤無言物有則吾將與爾釣其深

琴經卷之十二

格古要論

朱晦翁琴辨

陳淳言琴只可彈黃鍾一均猶可謂泛聲為六同妄
矣今人彈琴都不知孰為正聲若正得一絃則其餘
皆可正今調絃者云如此為宮聲如此為商聲安知
是正與不正此湏審音人方曉得古人所以吹管
傳在琴上如吹管起黃鍾之指則以琴之黃鍾聲合
之聲合無差然後以次徧合諸聲五聲既正然後不
用管只以琴之五聲為準而他樂皆取正焉季通書

來說近已曉得但紆定七絃不用調絃皆可以彈十

一宮

琴之體是黃鍾一均故可以彈十一宮

如此則大呂大簇夾鍾以

下聲皆用按徽都無散聲蓋終不按即是黃鍾聲

矣亦安得許多指按耶兼如其說則大呂以下亦不

可對徽須挨近第九徽裡按之此後愈挨下去方合

大呂諸聲蓋按著正徽復是黃鍾聲矣渠云頃問之

太常樂工工亦云然恐無此理古人彈琴隨月調絃

如十一月調黃鍾十二月調大呂正月調大簇二月

調夾鍾但此後聲愈繁至十月調應鍾則絃急甚恐

絕矣不知古人如何季通不能琴他只是思量得不

知彈出便不可行這便是無下學工夫

三絃獨退一徽與五絃相應論

荆川議
釋篇

黃鍾均內一絃二絃四絃五絃皆按十徽隔一相應
惟三絃獨退一位按十一徽與五絃相應古今無能
明其義者宋儒朱熹姜夔皆釋其義然牽合傳會終
難通曉臣愚為之說曰一絃黃鍾大呂以仲呂為角
中有太簇夾鍾姑洗二絃太簇夾鍾以林鍾為角中
有姑洗仲呂蕤賓四絃林鍾夷則以黃鍾清為角中
有南呂無射應鍾五絃南呂無射應鍾以夾鍾清為
角中有黃鍾大呂太簇皆隔三律而占兩徽故其角

聲皆在十徽惟三絃姑洗仲呂以無射為角則中隔
蕤賓林鍾夷則南呂四律乃占三徽必退一徽於十
一徽按之取南呂為角乃得自然之序或曰林鍾夷
則以黃鍾為角南呂無射以夾鍾為角皆中隔四律
而亦按十徽何也曰南呂無射應鍾同居八徽自夷
則起宮則無射為商而黃鍾為角自無射起宮則大
呂為商夾鍾為角惟仲呂居十徽蕤賓居十徽九徽
之間自仲呂起宮則蕤賓為商南呂為角無因更及
無射矣此氣數自然之節量也以是知律呂之有二
變莫非造化至理陳氏樂書諄、欲去之蓋未察乎

此

宋樂志三五應絃論

竊謂黃鍾太呂並用慢角調故於六絃十一暉應三
絃散聲太簇夾鍾並用清商調故於二絃十一暉應
四絃散聲姑洗仲呂蕤賓並用宮調故於三絃十一
暉應五絃散聲林鍾夷則並用慢宮調故於四絃十
一暉應六絃散聲南呂無射應鍾並用蕤賓調故於
五絃十一暉應七絃散聲又曰六絃會於十暉則一
與三者角與散角應也二與四者徵與散徵應也四
與六者宮與散少宮應也五與七者商與散少商應

也其第三第五絃會於十一暉則羽與散羽應也義各有當初不相湏故不同會於一暉也

琴聲經緯從論

古人之論琴聲有經有緯有從宮商角徵羽文武以上為經聲也黃鍾及大呂閏暉以上十三聲為緯聲也風雅聲陰陽聲武城聲吟咏聲談話聲姑息聲五音調聲長樂聲胡笳聲止息聲吳聲蜀聲齊聲楚聲度絃摘聲感觸抑揚聲調絃齟掠聲長彈掉溺聲楚清側聲雅頊側聲蠲扶輪指聲宛美清聲高望遠側聲凡此二十四聲為從聲也右七絃為正十三暉為

副正副相應一絃合十三種升降同為九十一聲琴
含太虛一氣運九十種聲如此其變亦已盡矣至於
取聲之法又有木有沈有散有未有別有操有擘有
綽有擲有聲有輪以總之誠去四清二變以諧音律
則琴音調而天下治矣

轉絃論

琴律聲按絃附木而取然須轉絃合本律所用之字
若不轉絃則誤觸散聲落別律矣每一絃各具三十
六聲皆自然也分五七九絃琴各述轉絃合調圖五
絃琴圖說曰琴為古樂所用者皆宮商角徵羽五音

故以五絃散聲配之其二變之聲惟用古清商謂之側弄不入雅樂七絃琴圖曰七絃散而扣之則間一絃于第十暉取應聲假如宮調五絃十暉應七絃散聲四絃十暉應六絃散聲二絃十暉應四絃散聲一絃十暉應三絃散聲惟三絃獨退一暉於十一暉應五絃散聲九絃琴圖說曰九絃倍其四所用者五音亦不以二變為散聲也或欲以七絃當五音二變以餘兩絃為倍若七絃分配七音則是今之十四絃也聲律訣云琴瑟四者律法上下相生也若加二變則於律法不諧矣或曰如此則琴無二變之聲乎曰

附木取之二變之徽固在也

文獻通考

明李南黎琴說

諱文獻南安人

凡琴長三尺九寸以三分之則自臨岳量一尺三寸
定一宮為第五徽又自五徽量一尺三寸定一宮為
第九徽二宮以配人聲之高下九徽之用下至十三
徽上至八徽即人聲二品調五徽之用下至七徽上
至一徽即人聲一品調合之而聲詭高低盡已若定
律亦有二用蓋琴只為黃鍾一均故琴制九尺絲起
九九散聲宮也宮隔四生徵林鍾一在九徽一在五
徽徵隔四生商太簇一在十三徽一在七徽商隔四

生羽南呂一在八徽一在四徽羽隔四生角姑洗一在十一徽一在六徽此泛一徽至十三徽律呂皆實音也故當徽則鳴差徽則否又自臨岳至盡末亦自隔八相生然只十二律之位數無預於五音按揉存而不論可也且也古人制樂以中平為主高不過自九至八唯不盡用其高是故有遺音焉后人乃移其轂於五徽宮不免高急而隣於教坊矣曰如此則五徽宮虛設乎曰古常用九徽一宮五徽宮以資泛音亦猶教坊常用一品調以二品調資演習耳夫此一品轂至高人常用則啞絲常用則斷至於啞與斷則

原缺

琴經卷之十三

煞風景

古人以煮鶴燒琴為煞風景又曰衛懿公之好鶴也不如煮鶴房次律之好琴也不如燒琴正言君反

帝相元年條谷貢桐弓藥帝命羿削桐斲琴命武羅伯植弓藥于後苑武羅伯諫曰帝方崇厥德怪草奇木懼遷厥嗜宜食駕車之善馬帝不從於是作議諫琴成命名曰條谷帝稍移於音樂不聽政事為羿所逐居於商丘援琴作源水之歌歌曰涓涓源水不壅

不塞轂既破碎庸大其輻事已敗矣乃重太息琴號
以弄斲琴然風景甚矣大奸旁睨國政不修帝
相之嗜琴也與明皇羯鼓何異

宋華元獻楚莊王以統梁之琴鼓之其聲嫋嫋統於
梁間循環不已楚王樂之七日不聽朝其音始歇樊
姬進曰君淫於樂矣昔桀好妹喜之瑟而忘其身紂
聽靡之音而喪其國今君統梁是樂七日弗朝君
樂亡身喪國乎於是以鐵如意鉋琴而破之御覽
左傳初衛獻公有嬖妾使師曹誨之琴不成師曹鞭
之公怒鞭師曹三百

魯穆姜能琴使擇美櫬自以為櫬又製頌琴

左傳

方穆姜再拜而歌綠衣之章雍容禮樂何其都也至於筮易自憊俵矣貽此櫬之玷哉

雍門周以琴見孟嘗君孟嘗君曰先生鼓琴亦能令文悲乎周曰臣獨烏能令足下悲哉所能令悲者先貴而後賤先富而後貧不然身才高妙遭遭暴亂不然處勢隱絕不及四鄰訕折擯歾無所告愬臣一為之操徽援琴則涕零矣今若足下千乘之君廣廈邃房下羅帷朱清風鄭妾麗色淫目流聲出則馳戈獵乎平原入則撞鐘鼓乎深宮雖有善鼓琴者未能使

是下悲也然臣所為足下悲者一也千秋萬世之後
宗廟必不血食高臺既已壞曲池既已湮墳墓既已
墟嬰兒豎子樵採躑躅而歌其上曰夫以孟嘗君尊
貴乃若是乎於是孟嘗法為承臉周以琴而鼓之徐
動宮徵拂羽角孟嘗涕泣增哀下而就曰先生之鼓
琴令文若破國亡邑之人

劉向
說苑

司馬以樂導淫者也雍門以樂增悲者也故皆
謂琴中煞風景

趙后有琴曰鳳凰善為歸風送遠之聲

古疏

漢成帝時侍郎慶安世善琴趙后悅焉

西京
雜記

司馬相如素與臨邛令王吉相善臨邛富人卓王孫有女文君新寡好音故相如謬與令相重而以琴心挑之文君竊從戶窺之心悅既罷相如使人重賜文君侍者通慇懃文君夜亡奔相如

上嘗問宋弘通儒之士弘薦桓譚譚善鼓琴上數聽悅之弘坐府上遣吏召譚責之譚叩頭良久乃遣去後上令譚鼓琴譚為之失次上問之弘言其故其後不復令譚給事中

東觀漢記

蔡邕嘗入清溪訪鬼谷先生其所居山五曲曲有幽居靈跡之異邕取其名製琴操二章三年乃成董卓

聞之擊節嘆賞又按東漢書卓重邕才學厚相遇待每集讌輒令邕鼓琴贊事邕亦每存匡益卓不能從卓知邕乎知琴乎若言賞琴為琴煞風景甚矣

阮踞不應魏武辟迺入山中魏武焚山得之怒踞不與語以踞善琴使就伎人列踞因援琴歌曰奕奕天

門開大魏應期運

云

魏武大悅

三國志

陳子昂初入京不為人知有賣古琴者價百萬豪貴傳視無辨者子昂突出顧左右曰輦千緡市之衆驚問荅曰余善此樂皆曰可得聞乎曰明日可集宣陽里如期偕往則酒肴畢具置古琴於前食畢捧琴語

曰蜀人陳子昂有文百軸馳走京轂碌々塵土不為人知此樂賤工之役豈宜留心舉而碎之以其文軸遍贈會者一日之內聲華溢都下

詩話

伯玉感遇三十篇自足羔雉當世何必碎千金之寶以炫流俗而後為奇進虧三揖弗終宜矣晉戴逵善鼓琴武陵王晞使人召之逵對使者破琴曰戴安道不為王門伶人晞怒更引其兄逯逯聞命欣然擁琴而往

世說

唐明皇好羯鼓不喜聽琴時方有奏琴弄未畢上叱

去曰速召花奴取我羯鼓來為我解穢

汝陽王璣小名花奴

衛次公本善琴方未顯時京兆尹李齊運使子與游

請授之法次公拒絕因終身不復鼓

次公字從周

張橫渠善琴適訪客童子携名琴從道遇一僧以手

捫其琴橫渠曰琴不祥也遂棄於水

琴疏

正蒙先生砭愚訂頑邃矣及觀程明道称子厚

學多苦心極力之象少寬裕溫柔之氣又謂其

意偏言窒及是而呵棒釋子也固宜陶陶乎周

濂溪光風霽月猶在也二程可友琴聰可友公

卜居濂溪以聰也噫捫吾琴者誰氏之子安得

有如聰如濬如穎如真如昭如賢者吾與之聞

晉調于如來

按琴患為不知已者詬厲也宋獻唐皇宜其及

矣黑鵲

安道琴名

遇戴古桐遇陳而以佐一時喜怒

惜哉子厚不對僧道次公不授貴介已矣柰何

委擲以畢世其為煞風景均耳昔人謂安道琴

峻仲若琴達夫二戴之間君子居身之所珍也

宋紹興漁人於寧海獲一琴腹刻云臣雷某造以獻

高宗見之泣下乃建炎迫金挾航海所失物也

台州志

方寢甲枕干而挾琴以從于羽格苗當不其然

琴經卷之十四

瑯嬛記

妙哉樂之敦和率神也理固冥會詭亦顯應故
方響躍地而甦賓跳鍊火電明而枯琴震蜀山
崩而景鐘鳴穀氣默召遄於桴應至夫精魂之
感環珠之報黑蛟化去儵龍歸來琴通神明政
不在此然張茂先瑯嬛籍所撫駭聞修詞賴焉
此亦琴軒揮塵之一佐也

帝俊有琴曰電母一作鼓每夏月電光一照則絃自鳴
此與壘山之鍾謂之霜鳴皆異寶也琴疏

荀季和淑有琴曰龍唇一日大風雨失去三年後復大風雨有黑龍飛入李膺堂中膺諦視識之曰此荀季和舊物也膺即送還季和恐復飛去散金於背曰劉累以獻之改名飛龍

金徽編

張欒字仲景南陽人受業於張伯祖精於治療一日入桐栢覓藥草遇一病人求診仲景曰子之腕有獸脉何也其人以實具對乃嶧山穴中老猿也仲景出囊中丸藥遺之一服輒愈明日其人肩一巨木至曰此萬年桐也聊以相報仲景斲為二琴一曰古猿一曰萬年

志奇

仰秣嘶珠禽物知樂奇矣識良材於渾璞出枯
木於鄧林充異哉猱耶攫耶成耶曠耶稽耶阮
耶古語有之小人化沙虫君子化猿雀則又安
知其非成非曠非稽非阮蓋三生石上形改而
性存事所由來尚矣

吳叔治修夏月納涼門外時聞桐樹下有琴聲後一
胡請以五百金買此樹叔治曰金欲得耳第吾自以
口就食即見此樹今何忍伐之後叔治出為北海主
簿歸已為族人賣去久之胡以二琴至示叔治一曰
陰姬一曰陽娃不加少漆斲磨光亮其文宛然各有

仙女弄琴之狀云涼天月夜不鼓而自鳴請晉其一

以一相報

求胡僧之鑒識易覓胡僧之豪邁難

虞炎會稽人少時至蒼望山見獵人得一鹿向炎悲鳴炎買而放之後過山下遇一人贈以古琴忽不見背有芝英書不可辨後示沈約覽之曰五離塵曹獲貝遇文惠至驃騎將軍矣沈嘆異久之蓋土離塵鹿也所重官至驃騎將軍矣沈嘆異久之蓋土離塵鹿也

曾獲貝贈也始悟其為放鹿報也

皆志奇

孫登琴遇雨必有響如刃物聲竟困陰雨破作數截

有黑蛟踊出

金微文化篇

絳中散夜燈下彈琴有一人面甚小斯須轉大遂長
丈餘里卑衣草帶絳視之既熟乃吹火滅之曰恥與
魑魅爭光

語林

會絳有防風鬼屢見城邑常鼓雷門上脚垂至地晉
橫陽令賀韜善鼓琴防風聞聲在賀中庭舞

世說

雷威斲琴無為山中以指侯之五音未得正躊躇間
忽一老人在傍指示曰上短一分頭豐腰殺已日施
漆戍日設絃則庶可鼓矣忽不見自後如法斲琴無
不佳絕世稱雷公琴

賈子
說林

孫鳳有一琴名吐綬彈之不甚佳獨有人唱曲則琴

絃自相屬和因改名曰自鳴但琴背有一孔若蛙者
一日有一道人乞食因見曰此中有蛙不除之則將
速朽袖中出一小竹筒倒黑藥少許孔側即有一綠
色虫走出背上隱隱有金線文道人納虫竹筒中竟
去自後唱曲絃不復鳴矣鳳怪之有博物君子說及
此事嘆曰此異寶也謂之鞠通有耳聾人置耳邊少
時即愈喜食枯桐充愛古墨鳳始悟道人竹筒中藥
蓋古墨屑也

虞琴疏

晉中朝時有王煥者入山伐木至石室見童子四人
彈琴而歌煥因留跌斧柯而聽之童子以一物與煥

狀棗核頰取而含之便不復飢遂復少畱亦謂俄頃
起觀所坐斧柯爛盡歸已離家數十年矣舊宅遷移

室宇靡存

鄭緝之
東陽記

王彥伯善鼓琴至吳郵亭維舟中渚秉燭理琴見一
女披錦而進席於東床取琴調之曰子識此否彥伯
曰所未曾聞女曰此曲所謂楚明光者也唯晉時嵇
叔夜能為此声彥伯欲傳之女曰此非艷俗所宜獨
巖栖谷隱可以自娛遲明女取錦繡贈別彥伯以玉
琴吞之而去

吳均續
齊諧記

魯賀雲善琴嘗於淮泗夜靜獨撫忽有三人來曰我

商三賢也昔塋於此先生之琴盡善然於古法未甚
合因授皎月風雷之妙曲

全上

郭撫鑿池得一空棺中有鐵物洗而視之乃琴也有
斷鏽處撫試設而彈之寂然無聲以語尚書郎姚範
範異之亦不知為何物尋有客來訪言能彈此用法
鑿去腹中泥鏽遂弄數曲音響非恒撫拜求授得昭
雲泣猿二曲戒勿傳然他人鼓之不復鳴矣

志奇

東坡破琴序元祐六年三月十九日予自杭州還朝
宿吳松江夢長老仲殊挾琴過予彈之有異声就視
琴有破損而有十三絃予方嘆惜不已殊曰雖損尚

可修曰奈十三絃何殊不答誦詩云度數形名本偶
然破琴今有十三絃此生若遇邢和璞方信秦箏是
嚮泉予夢中了然識其所謂既覺而忘之明日晝寢
復夢殊來理前語再誦其詩方驚覺而殊適至意其
非夢也問之殊蓋不知是歲六月見于玉之子子文
來京師求得邢和璞悟房圖乃作詩并書所夢其上
邪事見熟風景
坡詩見琴鶴

高郵人桑景舒善樂律舊傳有虞美人草聞人作虞
美人曲則枝葉皆動他曲不然景舒試之誠如所傳
乃詳其曲声曰皆吳音也它日取琴試用吳音製一

曲對草鼓之枝葉亦動乃謂之虞美人操其聲調與
虞美人曲全不相近始末無一聲相似而草輒應者
葭灰應管也其知音臻妙如此

裨編

琴經跋

余邑相國葉進卿先生為潭之張憲
翼謨有琴經叙言不佞昔嘗得寓目
之而未識憲翼何如人也一日驅車
黃金臺取道夫潭以馮夷侵人暫駐
褰帷於潭之福山蘭若中則憲翼
來臨越日而以序相屬夫相國葉弁

首簡不佞何所於此之類乎願不佞
志復古者也居堂慨正樂久湮而朱
弦所以統群樂者輒為輒近靡
之音流而素厭真亟欲聲正之而未
之逮茲日幸而值張君得觀其所纂
琴經竊惟義皇以降代有希聲
沿及末流淫哇褻進胡奚圓月之互

奏咸英韶護之無徵追古感今寧無
大痛乃憲翼獨留神大雅以指訣挽
隆古之玄微湊漏其補之失次其編之
巧鑒旁羅殫精畢集一款一讀纖悉
周伏斯帙行而古復淳還九垓八埏
重聞遺響汎乎盛世之休矣不佞何
幸躬覩其休又何幸而酬此初心也用

不揣錚翼輶言謏績昭而為之後
跋如左

三山伯金陳五昌跋